

**INATSIARTUT  
OMBUDSMANDIATA  
UKIUMOORTUMIK  
NALUNAARUTAA  
1999**

## 24 - Inunnik isumaginninneq pillugu inatsisit

### 24 - 1 Qinnuteqaatip malittarisassat eqqortut malillugit suliarinisaanut pisussaaffeqarneq.

*A aamma B paaqqinninnersiutininik K kommunimut qinnuteqaateqarput. Kommunip isumaginninnermut ataatsimiititaliaata, kommunalbestyrelsip taamatullu Isumaginninnermi Naammagittaalliuteqartarfiup qinnuteqaat taanna suliarinngitsoorpaat, taarsiuullugulu suliaq meeqqanut pilersuisutut akilersuutininik siu Moor-tumik tunniussisarneq pillugu malittarisassat malillugit suliaralugu.*

*Ombudsmandip isornartorsiortariaqarsoraa Isumaginninnermi Naammagittaalliuteqartarfiup qinnuteqaammik suliarineqarsimanngitsumik piusoqarnera isummerfigisimanngimmagu, inasuteqaatigineqarporlu Naammagittaalliuteqartarfiup suliaq suliareqqissagaa.*

*Tamatumunnga peqatigitillugu Ombudsmandi isumaqarpoq A-p aamma B-p meeqqamut akilersuutininik siu Moor-tumik tunineqarsinnaatitaanerannik, naak tamanna pillugu qinnuteqaateqaammik piusoqanngikkaluaq, naammagittaalliuteqartarfiup isummerfiginnissimanagera inuinnartut inuunermi pissutsinut pisariaqanngitsumik isorisarialimmillu akuliunnerusooq.*

*(J.nr. 11.24.10.0./113-97)*

Isumaginninnermi Naammagittaalliuteqartarfiup 17. april 1997-imi aalajangiinera siunnersorneqarsimannginnertillu A-p aamma B-p 4. december 1997-imi naammagittaalliutigaat.

Suliamut tunuliaqutaasoq tassaavoq:

7. maj 1982-imi C aappariinnerup avataatigut inunngorpoq. Meeqqap arnaa tassaavoq X, angutaalu tassaalluni Y.

Ataataasoq C-p inunngorneranit 18-inik ukioqalernissaata tungaanut meeqqamut akilersuutininik akilersuisussanngortitaavoq, tak. akilersuisussatut akuersinermi nalunaarut 27. februar 1985-imeersoq, suliami allagaatinut ilanngullugu nassiunneqartoq.

Meeqqap anaanaminit aanaava aataavalu, A aamma B, C-mik paarsaqar-nissaminut kommunimi isumaginninnermut ataatsimiititaliamit akuersis-summik tunineqarput, tak. paarsaqarsinnaanermut akuersissut 2. juni 1983-imeersoq. Paaqqinninnersiutitalimmik paaqqinninnersiutitaqanngitsumil-luunniit akuersissuteqartoqarnerusooq akuersissummi oqaatigineqanngilaq, taamatuttaarlu akuersissut meeravissiarthaarnissaq siunertaralugu siunertari-naguluunniit tunniunneqarsimanersooq takuneqarsinnaannani.

C-p arnaa 16. august 1989-imi toqukkut qimaguppoq.

30. april 1996-imi A B-lu paarsaqarsinnaanermut akuersissummik nu-taamik tunineqarput. Akuersissummi oqaatigineqarpoq akuersissut paaq-qinninnersiutitaqanngitsumik meeravissartaarnissarlu siunertarinagu tun-niunneqartoq. Akuersissummik tunniussineq meeqqanik inuusuttunillu iki-orsiisarneq pillugu Inatsisartut peqqussutaanni nr. 9-mi, 30. oktober 1992-imeersumi § 33 inatsisitigit tunngavigalugu pivoq. § 33 imatut oqaaserta-qarpoq:

"Kinaluunniit meeqqamik inuusuttumilluunniit ilaqutariinni paarisassamik tigu-sisinnaangilaq ilaqutariit inissiiviusut kommunimi najugarivitaanni isumaginnin-nermut ataatsimiititaq allaganngorlugu akuersereersimatinnagu, ataatsimiititap taas-uma pissutsit perorsaanikkut peqqinnissakkullu isumannaatsuunersut kiisalu paar-sassanngortitsineq allatigit meeqqamut iluaqutaarunerusussamik kinguneqassaner-soq nakkutigissavai.

Imm. 2. Pissutsit immikkut ittut pisariaqartilnngippassuk meeqqanik pingasunit amerlanerusunik paarsaqarnissamut akuersisoqarsinnaangilaq.

Imm. 3. Paarsaqarsinnaanermut akuersissutit meeqqat ataasiakkaarlugit tunniun-neqartassapput.

Imm. 4. Paarsaqarsinnaanermut akuersissutip ingerlaannarnissaa tunngavissaa-rukkaangat akuersissut atorunnaarsinneqartassaaq."

Meeqqap angutaata 9. juni 1997-imi eqqartuussinermi C-mut angajoq-qaatut oqartussaassuseqalersinneqanissani kissaatigaa. Eqqartuussinermi tassani oqaatigineqarpoq, meeraq piffissami anaanami toqunerata kingorna aanakkumini A aamma B-kkunni najugaqarsimasoq. Eqqartuussivimmit oqaatigineqarpoq Y angajoqqaatut oqartussaassusilerneqassasoq, tassami eqqartuussiviup makku ilanngullugit oqaatigimmagit, tak. eqqartuussi-nermi allattaavimmit assilisat:

"...

kisianni meeraq aanamini aataminilu najugaqaannarluni.... Ilanngullugu oqaatigi-neqassaaq ageqqusisoq meeqqap pilersornissaanut akileraaginnassasoq."

A-p aamma B-p 11. juni 1996-imi kommunimi isumaginninnermut ataatsimiititaliaq paaqqinninnersiutisiaqalerumallutik qinnuteqaateqarfi-gaat, kingumoortumik anaanaasup toquneranit atuutilersussamik, tassalu 16. august 1989-imit. Qinnuteqaammi imatut allassimasoqarpoq:

"Ernutatta C-ip anaanaata ajunaarnerata 16. august 1989-p kingorna, paarsinitsin-nut aningaasamik qinnuteqarsimavugut, isumaginnittoqarfimmiillu kingumoortu-mik 1995 uersagarsiutitut annertutigisoq taamaallaat tunniunneqarsimavoq.

...

matumuuna Isumaginninnermi ataatsimiititaq qinnuigaarput, kingumoortumik C-p arnaata toquneraniit 16. august 1989-imiit, paarsisimanermut tuneqqulluta.

..."

Qinnuteqaat kommunimi isumaginninnermut ataatsimiititaliap 20. au-gust 1996-imi ataatsimiinnerani oqaluuserineqarpoq, tak. isumaginninner-mut ataatsimiititaliap A aamma B-mut allagai 21. august 1996-imeersut. Aalajangiineq imatut oqaasertaqarpoq:

"Nalunaarutigissuarput inunni(k) isumaginninnermi ataatsimiisitaq ataatsimiin-nerani ulloq 20. august 1996, ataatsimiisitap eqqartormagu C-mut pilersuutitut qin-nuteqaatersi.

Ataatsimiisitarlu aalajangerpoq qinnuteqaat itigartillugu, pissutingalugu Namminersornerullutik oqartussat nalunaarutaat nr. 33, 26. juli 1994-imeersoq § 7 malillugu “Meeqqanut akilersuutit pisortanit tapiissutitut tunniunneqartartut Inatsisartut peqqussutaanni kapitali 3-mi piumasaqaatitut aalajangersakkanik eqqortitsisimallutik uppernarsaasinnaasunut qinnuteqarsimasunullu tunniunneqarsinnaapput”.

Inatsisartut peqqussutaat nr. 2, 3. marts 1994-imeersumi, § 2 malillugu imm. 2. “Qinnuteqaatit ulloq tunniussivissaq ukiumik ataatsimik qaangerneqareersoq tunniunneqartut isumaginninnermi ataatsimiititaliap itigartitsissutigisinnaavai”.

Taamatut aalajangerneq maalaarutigineqarsinnaavoq allakkat tигuneriniit sapaa-tip akunneri sisamat qaangiutsinnagit, maalaaruteqarnissarlu pisinnaavoq allakkatigut uunga:

...  
Ilanngullugulu nassiunneqarpoq maalaarfissiaq – taassumalu nassuiaatitaa.”

Itigartitsineq taanna A-p kommunimi kommunalbestyrelsimut naammagittaalliutigaa. Kommunalborgbestyrelsip 17. september 1996-imi ataatsimiinnerani imaqarniliuinnermi imatut allassimasoqarpoq:

“...  
SU aalajangerpoq meeqqanut anaanaarussimasunut/ ataataarussimasunut akilersuutit C-mut tunniussivissaq pillugu qinnuteqaat akueriumallugu qaammammut 758,- kr.-nik amerlassuseqartunik piffissamit qinnuteqaateqarfiusumit kingumoortumik ukioq ataaseq kingumoortumik naatsorsuutigalugu.

...  
**Aalajangerneq:**

...  
isumaginninnermut ataatsimiititaliap aalajangiinera aalajangiisimaannarnissaa akuerineqarpoq, tassami tassanga allanngortitsinissamut tunngavissaqarsorisooqanngimmat.

...”

Aalajangiineq taanna A-p allakkani 23. september 1996-imeersuni Isumaginninnermi Naammagittaalliuteqartarfimmuut naammagittaalliutigaa.

Isumaginninnermi Naammagittaalliuteqartarfik allakkatigut 17. april 1997-imeersutigut aalajangiinnerminik nalunaaruteqarpoq, aalajangiinerullu taassuma nalunaarutigineqarnerata saniatigut suliap ingerlanneqarsimanera pillugu nassuiaateqartoqarsimavoq, kiisalu inatsisitigut tunngavigisamut innersuussisoqarsimalluni. Allakkani ima allassimasoqarpoq:

“Kommunimi kommunalborgbestyrelsip meeqqanut akilersuutit ukioq ataaseq sinerlugu kingusinnerusumut kingumoortumik tunineqarnissamik qinnuteqaatinnik itigartitsisimanera pillugu naammagittaalliutit Isumaginninnermi Naammagittaalliuteqartarfup suliarisimavaa.

Naammagittaalliuteqartarfup naammagittaalliut nassuiaat ilanngullugu nassiunneqarsimasoq tunngavigalugu suliarisimavaa aalajangiinnermillu imaattumik

**AALAJANGIILLUNI**

K-mi kommunalborgbestyrelsip aalajangiinera, Ilinnut allakkatigut 20. september 1996-imeersutigut nalunaarutigineqarsimasoq, atortuinnartussanngortinneqassasoq meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut peqqussutaanni nr. 2, 3. marts 1994-imeersumi kingusinnerusukkut allannguutitalimmi § 2, imm. 2 naapertorlugu.

Aalajangersagaq qulaani taaneqartoq malillugu isumaginninnermut ataatsimiititaliaq qinnuteqaatinik ullup akiliiffissap kingorna ukioq ataaseq sinnerlugu kingu-sinnerusumik takkuttut itigartitsissutigisinnaavai.

Taarsiissuteqarsinnaanermut akisussaaneq, kommunip Inatsisartut peqqussutaanni qulaani taaneqartumi § 3 naapertorlugu ilitsersuisussaannerminik naammassinnissimanginnermigut akisussaaffigisimalersinnaasaa pillugu naammagittaalliuteqartarfik apeqqummik taamaattumik suliaqarnissaminut pisinnaatitaanngilaq, taarsiullugulu tamatuminnga eqqartuussisunut suliassanngortitsinissat innersuussutigineqarpoq.

**Nassuiaat:**

C 27. maj 1982-imi inunngorpoq. Meeqqap angutaa akilersuilernissamik akuersinnermik nalunaarut 27. februar 1985-imeersoq malillugu meeqqap inunngorneraniit atuutilersumik akilersuisussanngortinneqarpoq.

B aamma A ernuttaminnik, C-mik, paarsaqarsinnaanerannut akuersissummik 2. juni 1983-imi tunineqarput. Piffissaq akuersissutip atuuffissaa killeqanngitsutut oqaatigineqarpoq. Paaqqinninersiaqartitsinissaq pillugu sumik taasaqartoqarsimannngilaq.

C pillugu paarsaqarsinnaanermut akuersissummik nutaamik B aamma A-mut 30. april 1996-imi tunniussisoqaqqippoq. Paarsaqarsinnaanermut akuersissummit ersinngilaq akiliuteqarani aamma qitornavissiaartaarnissaq siunertarinagu ilaqutariinni paarisqaartitsineq tassani pineqarnersoq. Atuuffissaata sivisussusia C-p 18-inik ukiqalernissaa tikillugu sivisussuseqartussatut nalunaarneqarsimavoq.

B aamma A paaqqinninersiaqartinneqalernissaminnik allakkatigut 11. juni 1996-imeersutigut qinnuteqaateqarput. Oqaatigineqarpoq B aamma A panimmik 16. august 1989-imi ajunaarluni toqunerata kingorna ernuttaminnut paaqqinninersiaqartinneqarnissaq pillugu qinnuteqaateqarsimasut, paaqqinninersiutinillu 1995-imut uterluni kingumoortumik tunniunneqartunik taamaallaat tunniussisoqarsimasoq. Aammattaq aappaariit oqaatigaat panimmik toqukkut qimagunnerata kingorna kiap pilersuisussaatinneqalernissaa isummerfigineqarsimannngitsoq, taamaattumillu paaqqinninnissamik isumaqatigiissut, isumaginninnermut allaffimmi 1983-imi atsiorneqarsimasoq atuuttutut isumaqarfīgigitsik.

Kommunimi isumaginninnermut ataatsimiititaliap allakkani 21. august 1996-imeersuni A-p B-llu C-p meeqqanut akilersuutininik pisartagaqalernissaanik qinnuteqaataat itigartitsissutigaa. Inunnik isumaginninnermut ataatsimiititaliap itigartitsinnerminut tunngavilersuutitut innersuussutigaa meeqqanut akilersuutit il.il. kiisalu meeravissiaartaarmermi tapiissutit tunniunneqartarneri pillugit Inatsisartut peqqussutaanni nr. 2-mi, 3. marts 1994-imeersumi § 2, imm. 2, tassannga imaattoq erserluni: “Qinnuteqaatit ulloq tunniussivissaq ukiumik ataatsimik qaangerneqareersoq tunniunneqartut isumaginninnermi ataatsimiititaliap itigartitsissutigisinnaavai”.

Isumaginninnermut pisortap kommunalbestyrelsimut 28. august 1996-imi allagai malillugit meeqqanut anaanaarussimasunut/ ataataarussimasunut akilersuutininik tunniussinissamik isumaginninnermut ataatsimiititaliap itigartitsissutaa A-p kommunalbestyrelsimut naammagittaalliutigaa. Oqaatigineqarpoq C-p arnaa toqukkut qimagussimasoq, anaanamilu angajoqqaavini A aamma B-mi paarineqartoq. Akilersuutit qaammammut 758,- kr.-nik amerlassusillit piffissamit qinnuteqaateqarfiusumiit ukioq ataaseq kingumoortumik tunniunneqarsimapput. 16. august 1989-imiit kingumoortumik akilersuutininik tunniussisoqarnissaa qinnuteqaatigineqarpoq. Inatsisartut peqqussutaanni nr. 2-mi 3. marts 1994-imeersumi § 2 naapertorlugu qinnuteqaatit, ulloq tunniussivissaq ukiumik ataatsimik qaangerneqareersoq tunniunneqartut, itigartitsissutigineqarsinnaapput. Isumaginninnermut ataatsimiititaliaq Isumaginninnermut Pisortaqarfimmik oqaaseqaateqartitsisimavoq. Taanna malillugu qinnuteqaat itigartitsissutigisariaqarpoq.

Kommunalbestyrelsimit B aamma A-mut 20. september 1996-imi allakkat malilugit kommunalbestyrelsip isumaginninnermut ataatsimiititaliap aalajangiinera tunngavilersuummik, isumaginninnermut ataatsimiititaliamit oqaatigineqartup assinganiq tunngavilersuuteqartillugu aalajangiusimaannarpaa. Oqaatigineqarpoq ingerlatsivik meeqqanut anaanaarussimasunut/ ataataarussimasunut akilersuutinik tunniussimasoq, taamaattorli taamaallaat ukiumik ataatsimik kingumut uterluni atuuttumik.

Kommunalbestyrelsip aalajangiinera A-p aamma B-p 23. september 1996-imi Isumaginninnermi Naammagittaalliuteqartarfimmur naammagittaalliutigaat. Naammagittaalliuummit erserpoq aappariit eqqartuussivimmur aggeqquneqarsimasut, paasitinneqarsimasullu ernuttaminnik qanoq ilisukkulluunniit arsaarneqarsinnaasut, pilersuisussaataitaannginnertik pissutigalugu.

**Inatsisitigut tunngaviusoq:**

Suliaq meeqqanut akilersuutit il.il. kiisalu meeravissartaarnermi tapiissutit tunniunneqartarneri pillugit Inatsisartut nr. 2, 3. marts 1994-imeersoq kingusinnerusukkt allannguutitalik naapertorlugu aalajangiivigineqassaaq, inatsimmi tassani ima allasimasooqarluni:

“§ 2. Peqqussut manna tunngavigalugu tunineqarnissamik qinnuteqaatit qinnuteqartup kommunimi najugarivitaani isumaginninnermi ataatsimiititaliamut tunniunneqartassapput.

*Imm. 2.* Qinnuteqaatit ulloq tunniussivissaq ukiumik ataatsimik qaangerneqareersoq tunniunneqartut isumaginninnermi ataatsimiititaliap itigartitsissutigisinnaavai.

*Imm. 3.* Qinnuteqartup kommunia najugarivitaa peqqussut manna tunngavigalugu tunniunneqartartut ingerlanneqarnerinik tamanik isumaginnittuuvoq.”

Isumaginninnermi Naammagittaalliuteqartarfiup aalajangiinera kiisalu siunnersuisimannginneq A-p aamma B-p uannut allakkatigut 4. december 1997-imeersutigut naammagittaalliutigaat. Imatut allassimapput:

“Isumaqaratta paaqqinninersiutit pillugit eqqortumik paasitinneqarsimanata, tamanna iluamik siunnersuisimannginnertut isigisariaqarparput.

Namminersornerullutik Oqartussat aalajangiinerat 17. april 1997-imeersoq akuerisinnaanngilarput. Isumaqarpugut piffissamut 16. august 1989-imit 16. maj 1995-imut paaqqinninersiutinik tunineqartariaqartugut.”

Siunnersuisimannginneq pillugu naammagittaalliutip suliarinissaata itigartitsissutigineranik A aamma B allakkatigut 10. februar 1998-imeersutigut nalunaarfigaakka. Tamanna pillugu ima oqaaseqaateqarpunga:

“...  
Siunnersorneqannginnermut naammagittaalliutersi eqqarsaatigalugu isumaqarpunga taanna piffissamut 16. august 1989-imit 11. juni 1996-imut tunngassuteqartoq, piffissamimi tassani paaqqinninersiuteqarnissarsi qinnuteqaatigisimagassiuk. Ombudsmandi pillugu inatsimmi § 6, imm. 2 naapertorlugu naammagittaalliutigisassaaq "pisimaneranit ukioq ataaseq qaangiutsinnagu saqqummiunneqassaaq". Taamaattumik naammagittaalliutissi tassunga tunngasortaa suliarisinnaanngilara.

...”  
Isumaginninnermi Naammagittaalliuteqartarfiup aalajangiinera 17. april 1997-imeersoq eqqarsaatigalugu kommunu Isumaginninnermilu Naammagittaalliuteqartarfik allakkatigut 10. februar 1998-imeersutigut qinnui-gaakka suliap pappiarartaanik atukkiusseqqullugit kiisalu naammagittaalliut oqaaseqaateqarfigeqqullugu.

Kommunip allagaasigut 5. marts 1998-imeersutigut suliap pappiarartai kommunimit tiguakka. Tamatumunnga atatillugu K kommuni imatut oqaa-seqaateqarpoq:

“...  
Aammattaq ilisimatitsissutigineqarsinnaavoq 2. Juni 1983-imi paaqqinnitsi-  
lerneq tassaamat ilaqutariinni paarisqaartitsineq.

Paarsaqarsinnaanermut akuersissutinik pisoqqanik misissuinermi paasineqarpoq akilersuutit tapiissutit qinnuteqaatigineqarsimangitsut. Isumaginninnermut ingerlatsiviup ukiumik ataatsimik kingumoortumik tunniussinikuuvoq Inatsisartut peq-qussutaat naapertorlugu, tamatumalu kingorna naammagittaalliummik suliaqarneq aallartinneqarluni.

Suliamit naammagittaalliummit ingerlatitseqqiinnermut tunngasumit erserpoq ilaqutariit paaqqinninneriutinik itigartinneqarneq naammagittaalliuutigigaat, tamannalu eqqartorneqarsimangilaq, akerlianilli akilersuutit tapiissutit tunniunneqarnissaat pineqarsimalluni.”

Isumaginninnermi Naammagittalliuuteqartarfik allakkatigut 2. juni 1998-imeersutigut nukingisaarsimavara.

Suliami allagaatit Isumaginninnermi Naammagittaalliuuteqartarfiup allakkatigut 8. juni 1998-imeersutigut nassiuppai.

Isumaginninnermi Naammagittaalliuuteqartarfik 30. juli 1998-imi nalu-naarfigaara suliaasaq aalajangersimasumik suliarilerniarlugu aalajangertunga. Naammagittaalliuuteqartarfik qinnuigaara suliamik paasinninnini nas-suaateqarfigeqqullugu, tamatumunngalu atatillugu apeqqutit makku akeq-qullugit:

- “...  
– Kommunip misissorsimaneraa A aamma B meeqqanik inuusuttunillu ikiorsiisarneq pillugu Inatsisartut peqqussutaat nr. 9, 30. oktober 1992-imeersoq naapertorlugu paaqqinninneriutisiaqartussaansut.  
– Sumik tunngavilersuuteqarluni kommuni A-p aamma B-p meeqqanut akilersuutit il.il. kiisalu meeravissiarthaanermi tapiissutit tunniunneqartarneri pillugit Inatsisartut peqqussutaat nr. 2, 3. marts 1994-imeersoq naapertorlugu qinnuteqaataanik itigartitsisimanersoq.  
...”

Saaffiginnissutigat Isumaginninnermi Naammagittaalliuuteqartarfiup allakkatigut 10. september 1998-imeersutigut akissuteqarfigaa. Allakkanit imaattut erserput:

“...  
Meeqqanut akilersuutit il.il. kiisalu meeravissiarthaanermi tapiissutit tunniunneqartarneri pillugit Inatsisartut peqqussutaat nr. 9, 30. oktober 1992-imeersoq naapertorlugu A-p aamma B-p paaqqinninneriuteqarsinnaatitaanerannik Naammagittaalliuuteqartarfiup misissuisimaneranik apeqqummut inassuteqaammut suliami suliarineqarsimasumut innersuussisoqarsinnaavoq. Tassannga erserpoq suliaq paaqqinninneriuteqartitsinissamut tunngasuusorineqanngitsoq, kisiannili meeqqamut akilersuutitut tunngasuusoq.

Meeqqanut akilersuutit il.il. kiisalu meeravissiarthaanermi tapiissutit tunniunneqartarneri pillugit Inatsisartut peqqussutaat nr. 2, 3. marts 1994-imeersoq naapertorlugu Naammagittaalliuuteqartarfiup A-mik aamma B-mik itigartitsisimanermini sumik tunngavilersuuteqarsimaneranik apeqqut pillugu aalajangiinnerpiamut inner-suussisoqarpoq. Itigartitsineq isumaginninnermi ataatsimiititaliap qinnuteqaatinik,

ulloq tunniussivissaq ukiumik ataatsimik qaangerneqareersoq tunniunneqarsimasunik, itigartitsissuteqarsinnaatitaaneraniq tunngavilersuuteqartinneqarpoq. Suliamut allanik ilassutissaqanngilanga.”

*Tamatuma kingorna imaattunik oqaaseqaateqarsimavunga:*

“1. Paaqqinninersiuteqartinneqarnissamik qinnuteqaat.

*Suliani isumaginninnermut tunngasuni Isumaginninnermi Naammagittaalliuuteqartarfik kommunalbestyrelsip aalajangiinerinut oqartussaasutut qulliuernerusutut naammagittaalliorfissaavoq, tak. Kalaallit Nunaanni isumaginninnermut tunngasut siulersorneqarnerat aaqqissuusaanerallu pillugit Inatsisartut peqqussutaanni nr. 8-mi, 10. oktober 1979-imeersumi taamanikkut atuuttumi, Inatsisartut peqqussutaatigut nr. 10-kkut, 30. oktober 1992-imeersukkut allanngortinneqarsimasumi § 7, imm. 1. § 7 imm. 1 imatut oqaasertaqarpoq:*

*“Kommunip ataatsimiititaata bygderådilluunniit aalajangigaa, tak. § 6, piffissaatitap sapaatip akunnerinik sisamanik sivilissuseqartup qaangiutinnginnerani kommunalbestyrelsimut susassaqartumut naammagittaalliuutigineqarsinnaavoq, allamik aalajangiisoqarsimanngippat. Kommunilbestyrelsip aalajangigaa – aamma piffissaatitap sapaatip akunnerinik sisamanik sivilissuseqartup qaangiutinnginnerani – isumaginninnermut tunngasut pillugit naammagittaalliuuteqartarfimmu naammagittaalliuutigineqarsinnaavoq, tak. § 8, allamik aalajangiisoqarsimanngippat.”*

*Naammagittaalliuuteqarfiup oqartussaasutut qulliuernerusutut naammagittaalliorfissatut misiliinerani aallaaviusoq tassaavoq suliami pisisasorpianik kiisalu suliami apeqqutinik inatsisinut tunngasunik tamanik tamakkiisumik misileeqqinneq. Taamaalluni suliami naammagittaalliuutigineqartumi, ingerlatitseqqinnermut tunngasumi, oqartussaasup qulliuernerusup naammagittaalliorfusup suliami pigineqartorpiaq pillugu eqqortumik aalajangiinissaa piimasaqaataavoq, tamanna pillugu takuuk Hans Gammeltoft-Hansenip allallu atuakkiaanni Forvaltningsret (Ingerlatsinermi inatsiseqartitsineq) qupp. 651 ff.*

*Isumaginninnermut tunngasut siulersorneqarnerat aaqqissuusaanerallu pillugit Inatsisartut peqqussutaat tunngavigalugu Isumaginninnermi Naammagittaalliuuteqartarfiup sulianik misiliinera pillugu immikkut killiliinissanik aalajangersaasoqarsimanngilaq. Taamaattumik isumaqarpunga Isumaginninnermi Naammagittaalliuuteqartarfiup misiliinera suliami pisisasorpianik kiisalu suliami apeqqutinik inatsisinut tunngasunik tamanik misileeqqinnermik tamakkiisumik imaqaasasoq.*

*Suliami allagaatinit, matumani aamma Isumaginninnermi Naammagittaalliuuteqartarfiup nassuiaataa naammagittaalliuuteqartarfiup aalajangiinera 17. april 1997-imeersoq ilanngullugu, erserpoq A-p aamma B-p ernuttamik C-p paarineranut paaqqinninersiuteqartitaanissaminik allakkatigut 11. juni 1996-imeersutigut qinnuteqaateqarsimasut.*

*Aammattaaq suliami takuneqarsinnaavoq suliaq taanna meeqqanut akilersuutit il.il. aamma meeravissiartaarnermi tapiissutit tunniunneqartarnerat pillugu Inatsisartut peqqussutaat nr. 2, 3. marts 1994-imeersoq*



naapertorlugu meqqanut akilersuutininik tunineqartarnissamik qinnuteqaatitut kommunimi isumaginninnermut ataatsimiititaliap aamma kommunalbestyrelsip sularisimagaat.

Isumaginninnermi Naammagittaalliuuteqartarfiup 17. april 1997-imi aalajangiinnermigut kommunalbestyrelsip aalajangiinera atortussanngortippaa.

Taamaalillutik oqartussat appasinnerusut imaluunniit Isumaginninnermi Naammagittaalliuuteqartarfiup A-p aamma B-p qinnuteqaataat paaqqinninnerisiutisiaqartinneqarnissamik qinnuteqaatitut sularisimanngilaat.

Isumaginninnermi Naammagittaalliuuteqartarfiup, suliamik naammagittaalliuutigineqartumik killilersugaanngitsumik misiliinissamik tungaveqarneq naapertorlugu, paasisimasariaqaraluarppaa qinnuteqaamik sularineqarsimanngitsumik suliassaqartoq.

Pissutsinik taamaattunik piusoqarnera isornartorsiortariaqarsoraara.

Matuma kingorna Isumaginninnermi Naammagittaalliuuteqartarfik suliamik suliareqqeequllugu inassuteqaateqarfigaara.

2. Suliap meeqqanut akilersuutit il.il. pillugit malittarisassat malillugit sularineqarsimanera.

Meeqqanut akilersuutit il.il. kiisalu meeravissiarternermi tapiissutit tunniunneqartarnerat pillugit Inatsisartut peqqussutaat nr. 2, 3. marts 1994-imeersoq naapertorlugu meeqqanut akilersuutit qinnuteqaatigineqarnermikkut tunniunneqartarput. Peqqussummi § 4, imm. 1-imi imatut aalajangersaasoqarsimavoq:

"Meeqqap pilersorneqarnissaanut akilersuutininik pisinnaatitaasup meeqqat inatsisitigut illersugaanerat imaluunniit aappariinneq pillugu inatsit tunngavigalugu akilersuisussanngortitsineq naapertorlugu qinnuteqaateqarneratigut meeqqap pilersorneqarnissaanut akilersuutit pisortanit siumoortumik tunniunneqarsinnaapput, akilersuutit akilernerqarsimaffissaasa aqaguani, akilersuutit kingusinnerpaamik akilernerqarfissaanni akilersuisussaataasooq akiliisimanngippat."

A aamma B allakkat 11. juni 1996-imeersut oqaasertalersugaanerat malillugu meeqqanut akilersuutininik siumoortumik tunniunneqartartunik qinnuteqaateqarsimanngillat.

Suliami allagaatit aamma Isumaginninnermi Naammagittaalliuuteqartarfiup tusarniaanermut akissutaa ilanngullugit tunaartaralugit tungaviutippara Isumaginninnermi Naammagittaalliuuteqartarfiup, suli-ami aalajangiinnnginnermini, A-p aamma B-p allakkatigut 11. juni 1996-imeersutigut paaqqinninnerisiutisiaqartinneqalernissaminnik qinnuteqaateqarnerat ilisimasimassagaa.

Meeqqanut akilersuutininik siumoortumik tunniunneqartartunik qinnuteqaateqartoqanngikkaluartoq A-p aamma B-p meeqqanut akilersuutininik siumoortumik tunniunneqartartunik pisinnaatitaanerannik pisinnatitaannginnerannilluunniit Isumaginninnermi Naammagittaalliuuteqartarfiup isummersimanermigut periaaseq atorsimasaa pissutsinut allat susassa-

*rinnngisaannut pisariaqanngitsumik isorisarialimmillu akuliunnertut isi-gaara.*

### 3. Tunngavilersuisussaataaneq pillugu.

*Maluginiarpara Isumaginninnermi Naammagittaalliuuteqartarfiup 17. april 1997-imi aalajangiinnermini kommunalbestyrelsip aalajangiineranik atortussanngortitsinini meeqqanut akilersuutit il.il. Inatsisartut peqqussutaanni § 2, imm. 2 kisiat innersuussutigalugu tunngavilersorsimagaa, tassami qinnuteqaatit ullup akiliiffiusussap qaangiunneranit ukioq ilivitoq sinnerlugu ingerlareersoq tiguneqartut itigartitsissutigineqarsinnaanerannik aalajangersakkami allassimasoq Naammagittaalliuuteqartarfiup innersuussutigisimammagu.*

*Isumaginninnermi Naammagittaalliuuteqartarfiup allakkani 10. september 1998-imeersuni, siusinnerusukkut issuaavigineqartuni, uannut ilisimatitsissutigaa aalajangiineq tunngavilersuummik taaneqartumik taamaallaat imaqartoq.*

*Isumaginninnermi Naammagittaalliuuteqartarfiup aalajangiinerani tunngavilersuut pillugu oqaatigigaara inatsisitigut maleruqqusaq taanna, meeqqanut akilersuutit siumoortumik tunniunneqartartut tunniunneqannginnissaat pillugu aalajangiinnermi tunngavigineqartoq, qinnuteqaatip taamaattup, naak piffissaritaasoq qaangerneqarsimagaluartoq, suliarineqassanera pillugu naliliisoqarnissaanik piumasaqarmat.*

*Kisiannili Isumaginninnermi Naammagittaalliuuteqartarfiup suliami matumani piumasaqaataasumik naliliisimanagera naliliisimanginneraluunniit sukumiinerusumik misilinngitsoorpara, tassami qulaani taaneqareersutut meeqqanut akilersuutinik siumoortumik tunniussisoqarnissaanik qinnuteqaateqartoqarsimangimmat.*

### 4. Ilitsersuisussaataaneq pillugu.

*Suliassaqarfinni pisortanit ingerlanneqartuni innuttaasunut nalinginnaasumik ilitsersuisussaataaneq ingerlatsinnermi oqartussanut tamanut atuuppoq. Suliassat suliarineqatarnerat pillugu inatsimmi § 7, imm. 1-imi tamanna imatut oqaatigineqarpoq:*

*"Ingerlatsinnermut oqartussaaffiup inuit oqartussaaffigisamini suliassat pillugit apeqquteqarlutik saaffiginnittut pisariaqarneratut annertutigisumik ilitsersorlugillu ikiortassavai."*

*Pisinnaatitaaffiit, innuttaasut qinnuteqaateqarnissaannik pisariaqartitsiffiusut, eqqarsaatigalugit oqartussaasup taakku ilitsersuisussaataaneq naaportorlugu innuttaasunut paasissutissiissutigisussaavai, tak. Hans Gammeltoft-Hansenip allallu atuakkiaanni, Forvaltningsret (Ingerlatsinnermi inatsiseqartitsineq), qupp. 260.*

*Isumaginninnermi Naammagittaalliuuteqartarfik suliamik suliaqarnermi nalaani naliliisimaguni A aamma B paaqqinninneriutinik pisartaqarsinnaatitaanngitsut, kisiannili meeqqanut akilersuutinik siumoortumik tunniunneqartartunik tunineqarnissaannut periarfissaqartoq, taava Isumaginninnermi Naammagittaalliuuteqartarfiup A aamma B ilitsersorsimasariaqaraluarpai qinnuteqaateqarnermikkut meeqqanut akilersuuti-*

*nik siumoortumik tunniunneqartartunik tunineqarnissaminnut pisinnaati-taasinnaasut.*

5. Malinnaaffigininneq il.il.

*Aammattaaq oqaatigaara oqaaseqaatinni matumani aalajangersima-sumik isummerfigisimannginnakku A-p aamma B-p paaqqinninnersiutit tunniunneqartarneri pillugit malittarisassat imaluunniit meeqqanut aki-lersuutit siumoortumik tunniunneqartarneri pillugit malittarisassat ma-lillugit aningaasanik pisartagaqartinneqarnissaminnut pisinnaatitaasi-manersut pisinnaatitaasimannginnersulluunniit.*

*Isumaginninnermi Naammagittaalliuuteqartarfik qinnuigaara ma-tuma kingorna qanoq iliuuseqalersaarnerninik uannut nalunaaruteqaq-qullugu.*

*Immikkut allagaqarnikkut allakkallu ukua assilinerisigut naammagit-taallortut suliamik paasinninninnik paasissutissippakka.”*

Naammagittaalliuuteqartarfiup suliamik suliareqqiinerata inerneranik ukiup nalunaarusiuunneqartup naanerani paasissutissinneqarsimanngila-nga.